

# УРШГТА ТУУЛА

Хөкрлгън

Анъгуд олар цуглард  
Аав-ээджиннь зокалар  
Джилд нег уктдг  
Джиргълән кех болна.

Зерглад суулдсн дотрас  
Занас кундтань уга,  
Заагъад келсн селвгнь  
Закрмджта болн сургъмджта.

„Кезәнә келсн үгиг  
Кентн болвчн товчлтн.  
Кун ахта, левл захтаг  
Кезә чигн меддж йовтн“.

Тиигдж келәд барс  
Туулад докья өгнә.  
—Захан шилтә әркәс  
Занд ке,—гинә.

Әркинь зан авад  
Арүн йөрәлән тәвнә,  
Өмн кәлән дурәд  
Өдән цацл цацна.

—Кезәчн цугъар хурдж  
Көгшдән тевчн, күндлдж,

Дүмбр йовтн,—гидж  
Дуунрән зан йөрәнә.

Шиләс бишнъкән әрк,  
Шидрдсн хамган эвднә  
—Сонъстн, багъчуд!—гидж  
Селвгән барс өгнә.

Сөөннн өрәл давад,  
Соктунь элвәд ирнә.  
Сән таарта сүүрәс,  
Стол цокдгнь икднә.

Негнь биилхән хәәнә,  
Наадкснь дуулх болна.  
Зан барс хойр  
Зовлнъ-джиргълән күүиднә.

Туула шал сокту,  
Темтрәд тулдж ишкнә.  
Тудухиәс хурдлдж ирәд  
Ташад барсиг авна.

—Барс! Туула аргътаг  
Басл чигн сонъслч!  
Бийдән зөв чидлтәг  
Бийәрн медвч!—гинә.

Чамаг, туула, „чидлтәг“  
Чонин бийнь меднә,  
„Чииргичн“ кендән келхв—  
гигәд  
Чирмдж арат хөкрлнә.

Эн хурсн анъгуд  
Элкән авч инәнә,  
Турүн деедж ууснла  
Туула бәрлднәв гинә.

Заянь номгън анъ  
Зан күрджнәнәд инәнә.  
Халдж одсн туула  
Ханцан шамлад гүүнә.

Уурта барс босад,  
Уршг татсн туулаг.  
Чикнәснь өргдж бәәгъад  
Чичрүлдж газрт суулгъв.

\* \* \*  
Иим хөкрлгъиг умшад  
Инәдәр бичә гәәлтн,  
Учр-утхинь меддж  
Уршгта туулаг „таалтн“.

БЕМБИН Тимофей.